



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlm VIII. Pastoralis.

[urn:nbn:de:hbz:466:1-62587](#)

344 Decret. Gregor. Lib. II. Tit. XXII. Cap. VII.

præsentem erunt 47. quem numerum si per
15. diuiseris, atque restanti numero, qui est
binarius, denariuni addideris (ea enim in-
dictio in annum 1582. cadebat) præsentis
anni inductionem habebis videlicet duode-
cimam.

CAPITVLVM VII.

Quod super.

P A R A P H R A S I S.

Cantuariensis Archiepiscopus consuluit In-
noc. III. quid agere debeat iis, qui cùm
votum expeditionis Hierosolymitanæ ad
recuperandam terram sacram suscep-
tent, Româ redeunt afferentes se à Sede
Apostolicâ absolutos esse, & super hoc
ignota Cardinalium sigilla exhibent, ta-
men si eorundem impedimenta, quo mi-
nus vota exsoluant, non videantur legi-
tima; Respondebat Papa, si quando ipse ta-
libus absolutionis literas indulget, quod
eas destinet ad illos, qui personas & ca-
rarium facultates cognitas habent, vt su-
per expositis impedimentis diligenter in-
quisitâ veritate statuant, quod anima-
rum saluti & succursui terræ sanctæ expe-
dire magis ipsis videbitur, ne alioquin in
voti fraudem fallaciter aliquid configa-
tur, quare si tales homines compererit
Archiepiscopus per veritatis suppressio-
nem, aut falsitatis expressionem literas
Cardinalium, aut Papales etiam certò
datas impetrâsse, carere debent vigore,
& videntes ad executionem voti sui con-
pellendi sunt.

S V M M A R I V M.

1. Dispensatio super voto, si justa causa non
nitatur, non tantum illicta, sed etiam irri-
ta est.

NOTA I. Quandoque non Pontifex
ipsem tribuit absolutionem à voto,
aut matrimonii impedimento, sed mandat
alicui commissario, aut confessario, Magi-
stro in Theologiâ, vel iure Canonico, vt in

regione, vbi notitia personæ, & statûs, ac
facultatum eius haberi potest, si preces, &
rationes Pontifici propositas veritate niti in-
telligat, Apostolicâ auctoritate absoluat,
vel dispenset; quare talis censeri debet exse-
cutor mixtus, qui ministerium absoluendi,
aut dispensandi sibi commissum exequi de-
bet præmissâ cognitione causæ. Porro quan-
dam expressio falsi, aut suppressio veri re-
scriptum gratia jure irritum reddat, dixi lib.
1. decret. de rescriptis. & lib. 1. Th. Mor. Tract.
4. cap. 22. q. 4.

Not. II. Dispensatio super voto si justa
causa non nitatur, non solum illicta sed e-
stiam irrita est, ita sumitur ex hoc. & docui
cit. g. 22. q. 1. & lib. 4. Th. Mor. Tract. 4.
cap. 8. n. 4.

CAPITVLUM VIII.

Pastoralis.

P A R A P H R A S I S.

Si Pontificis quædam extrauagans, seu in
juris Canonici corpore non posita con-
stitutio in judicio allegatur, de qua iudic
merito dubitat, num authenticâ sit, tunc
si juri communî consona sit, secundum
eam pronuntiet, quia non tam ipsius
quâm communis juris auctoritate niti
censetur, sin autem dissona sit, secun-
dum eam non pronuntiet, sed superio-
rem prius consulat.

S V M M A R I V M.

1. Extrauagans Constitutio si in corpore juris
nō sit redacta, vel sub forma bullæ authenticâ
exhibita, probabilem ignorantiam ac dubi-
tationem habet, an secundum illam sit pro-
cedendum.
2. In dubio, an lex promulgata vel obligato-
ria sit, Princeps vel auctor legis consulen-
dus.

NOTA I. Extrauagans constitutio si in
corpus juris Principis auctoritate reda-
cta nō sit, nec sub formâ bullæ authenticâ ex-
hibetur, probabilem causam ignorantiae ac
dubi-

dubitacionis habet, num secundum eam procedendum sit, idemque sentiendum de epistola, aut rescripto Principis, et si enim jus faciat. l. 1. ff. de constitut. principum. tamen nisi in corpore juris sit, vel authenticè exhibeatur, probabilem ignorantiam, ac dubium parit. his addit Felin. hic n. 5. quod plures extravagantes moribus videntur receperit non sint, & ideo obligationem non pariant, maximè quoad penas, seu censuras earum, ut docent DD. c. In istis. distinct. 4. & dixi de hoc lib. 1. Tb. Mor. Tract. 4. cap. 3.

Not. II. In dubio, num lex promulgata, vel obligatoria sit, conuenit, ut princeps seu auctor legis consulatur.

CAPITULUM IX.

Cum dilectus.

PARAPHRASIS.

Innocentius III. hic duo respondet, primum, quod instrumenta post publicationem testificationum ab utraque parte produci possint, donec in causâ conclusum sit; alterum si in regno Scotie consuetudo invaluit, ut instrumentum regis pletiam fidem mereatur, eam etiam in foro Ecclesiastico propter regis auctoritatem & honestatem seruandam esse.

S U M M A R I U M.

1. Limitatur constitutio relata in textu, quod instrumenta post publicationem testificationum ab utraque parte produci possint, donec in causa conclusum sit.
2. Consuetudine introduci potest, ut literis Regis, Principis, vel alterius excellenter Magistratus plena fides habeatur, etiam in praetudicium alterius, modo nulla presumptio sit in contrarium.

Not. 1. Quod ad primum responsum attinet, Felinus hic limitationes adhibet, que fermè intelliguntur ex materia de testibus. 1. est, quod judex ex officio, si necessitate sit, instrumenta recipere possit post

conclusionem in causâ. Altera 3. in causa criminali reus ad sui defensionem instrumenta, aliisque probationes producere potest post conclusionem in causâ. 3. est, si instrumenta absque negligentia partis ab eâ de novo reperta sint. 4. Si pars aduersaria consentiat productioni. 5. Si per negligentiam tytoris, vel administratoris instrumenta producta non sint, succurretur pupillo, & Ecclesiae per in integrum restitutionem, & quidem non tantum post causâ conclusionem, sed etiam post latam sententiam, teste gl. c. Inter. 20. de re iudicata.

Not. II. Licet communijure litteræ magistratus, si aliter probatae non sint, pro authenticis non habentur in praetudicium persona tertia, ut dixi in c. 7. de probat. tamen consuetudine introduci potest, ut scriptura excellentis Magistratus, Regis, Principis, Episcopi plena fides habeatur, etiam in praetudicium alterius, dummodo nulla inspicio aut presumptio in contrarium sit, ut colligitur ex hoc c. in fine.

CAPITULUM X.

Ioannes.

PARAPHRASIS.

Eremita Ioannes coram judicibus Viterbiensis petebat libras Senenses 130. ex causa mutui, domum quoque sibi liberam & vacuam tradi ex causa factæ venditionis, Petrus autem ex aduerso dicebat sibi ratione eiusdem domus vendita Ioanni deberi 180. libras, ut proinde factâ compensatione nihil amplius ex mutuo debeat, cum autem judices in causâ progressi essent, denique Petrum condemnarunt ad domum vacuam & liberam tradendam Ioanni, ab hac porro sententia Petrus appellavit ad Innoc. III. qui partibus auditores, seu cognitores cause designauit, coram quibus Petrus per 4. testes probauit venditionem non puram sed conditionalem fuisse, videlicet hoc adjecto modo, vi Petrus, dum viueret, domum inhabitare posset, postea